

Castro de Socastro



O castro sitúase nun outeiro dun pequeno cordal, a 211 metros de altitude, sobre o val da parroquia de Herbogo e ao leste dun dos afluentes que desembocan no río Sar, está separado do val da Amaía polos montes do Oleirón. Ten planta ovalada, máis apuntada cara a parte noroeste. Conta cun gran parapeto que foi posible estudar nas escavacións do verán do 2010 levadas a cabo pola Fundación Pro-Patrimonio de Rois, hoxe desaparecida. Este parapeto estaba feito cun recheo de pedra e tapado con terra, acada unha forte pendente e considerable altura. Consérvase bastante ben en comparación con outros da mesma natureza. A coroa mide uns 100 m. no eixo norte-sur, e uns 70 m. de leste a oeste. A parte de fóra do parapeto amosa uns alombamentos de terra e cachote, que parecen indicar a existencia de construcións anexas ao castro en algúns puntos do seu contorno. Na terra que se removeu froito das catas que se levaron a cabo apareceu gran cantidade de tella. Tense noticia da aparición dunha pequena ola con un tesouro que consistía en moedas de ouro romanas.

INFORMACIÓN	
TIPOLOXÍA	Arqueoloxía
CRONOLOXÍA	Idade de Ferro
CONCELLO	Rois / Brión
PARROQUIA	Herbogo (San Pedro)
REFERENCIAS	<p>Enlace web : plano do PXOM Rois ano 2002</p> <p>http://www.planeamentourbanistico.xunta.es/siotuga/documentos/urbanismo/ROIS/documents/0349PB012.JPG</p> <p>http://www.manuelgago.org/blog/index.php/2009/09/12/mais-sobre-mouros-e-guerra-civil-no-castro-de-socastro-en-herbogo-rois/</p>

XEOLOCALIZACIÓN	
COORDENADAS	42.7799683303 - -8.71361732483

Anexo

Fotografías ou vídeos do elemento

* Información obtida da páxina web patrimoniogalego.net. Xeolocalización a partir da información de mapas.xunta.gal.